

10TH ANNIVERSARY DISCOUNT

2nd - 14th April
ABIGAIL
 The Home Store
 (10-9) Ph: 2320874, 2317200
 visit us at www.abigail.co.in

MIZO DAILY SINCE 1978

VANGLAINI

Mizoram Motorsports Association
SCOOTER CLASS CHAMPIONS 2011
 1st Rank : Honda Activa. Joseph Roluahpuia
 2nd Rank : Honda Activa. RK Lalhruiitluanga
 3rd Rank : Mahindra Flyte. John Laldinpuia (05-27)
 Scooter Race Result Sponsored by Hauva Honda

VOL - XXVII NO.89

REGN.: RNI 3422779. : MZR/67/2009-2011


AIZAWL FRIDAY APRIL 13, 2012

A man Thla khatah Rs. 100/-



UNITED AN CHAK LO, CITY AN CHAK

- (PAGE 8)



ALBUM CHART-AH NICKI MINAJ

- (PAGE 6)

SYRIA-A EPTU LAKA BEIHPUI THLAK TIHTAWP A NI

- (PAGE 6)



VANGLAINI
 Office Zarkawt : 2340112
 : 9206042282
 Tele Fax : 2301367
 News Room : 9206042283
 : 2328579
 Website: www.vanglaini.org
 email : vanglai@rediffmail.com



KHAWTHLIR

Larsap piancham
 Nimin April 12 kha Governor, Vakkom Purushothaman piancham wavi 84-na a ni a; Raj Bhavan Secretariat-a thawkte'n cake zain an lawmpui. Assembly Speaker, R Romawia leh 23 Sector, Assam Rifles DIG, Brig. SP Rawat te pawhin lawmpuina pangpar an hlân.

UPC inkhawmpui
 UPC (NEI) inkhawmpui lian ber, General Conference wavi 44-na chu nimin kha Lammual sira pandal sakah tan a ni a. Pathi-anni zana a tiak ang. Inkhawmpuihian UPC International Superintendent, Rev. Dr David K Bernard chu speaker a ni ang.

Present dawn
 T Romana College-a Asst. Professor, Lalrimawii Tochwang chuan International Journal of the Arts and Sciences-in Paris, France-a April 16-19, 2012 chhunga '2012: Euro-American Conference for Academic Discipline' an buatsaih turah paper 'Introducing Mizo Folktales' tih a present dawn.

Airport kaltluang
 Lengpui Airport chu ILS tihnun leh tawh a nih avangin nimin atang khan khaw chhe hnuai pawh thlawhna service a pangngai leh tawh a, thlawh-nate tumin an thlawk chhuak thei.

Inquiry Committee
 SSA sum chungchanga Education Minister Lalsawta leh MNF MLA, Dr R Lalthangliana te thu inchuh chhuitu tur, House Inquiry Committee chu nimin kha an chairman, Lalduhoma kai-hruai an thukhawm a; mahse MNF member-te'n Committee member siamt ha leh tura Speaker an nawr avangin engmah rel loin an tin nia thu dawn a ni.

Nimin Aizawl
 Maximum - 21.7C
 Minimum - 18.0C
 Ruahtui - 7.5mm

Vawin Aizawl
 Maximum - 27C
 Minimum - 18C
 Ruah a sur rin a ni

ZANIN ZONET
 FootballZone

Eiruk thubuaiah sorkar hnathawk Suspend 12 leh bantir 3 an awm

Kum 2008 tawp lama Mizorama Congress kaihrui sorkar a din hnuah sorkar hnathawk, eirukna leh hlemhletna thila inhnawih mi pathum ban an ni tawh a, mi 13 suspend a ni tawh. Hetih lai hian, eiruk thubuai nei, thiamloh chantir tawh mi 13 an awm baw.

PRISM-in RTI Act hmanga a zawhna, Vigilance department-in a chhan danin, Congress sorkar hnu, December 2008 leh kumin February thla tawp inkarah sorkar tichingpen avangin mi pathum ban tawh an ni a; chungte chu - Supply department Storekeeper F Lalchuanawma, Tuipang BDO hlui L Rinsanga, MCS leh, Trade & Commerce Marketing Officer, J Lalthlantlinga te an ni.

Corruption avanga thiam loh chantir tawh mi 13 an awm a, chungte chu - R Lalthuanliana, DEO, Aizawl; Supply Storekeeper paruk - Thangchingpui, F Lalchuanawma, Liandingpui, H Lalruata, Sapthlengliana, Lalrokima leh Vanlalchhuanga; Vanlalmawia, Platoon Commander, MRHG; Lalthmingliana, DCSO; C Lalremruata, Superintendent of Accounts, FCS&CA; L Rinsanga, MCS leh, Lalringgheta, SDO, PWD te an ni.

Eiruk thubuaia a chhuitute'n an chhuina, Court-a chargesheet thelthuh tawh mi 13 an awm; chung zingah chuan

Lalrinsanga Colney, MCS; Lalbiaksangi, MCS leh Lalchhandama, UDC, RD te an tel. LADC hnuai cheng nuai 59 tichingpena puh leh dik lo taka ram neia puh, C Thanghluna (LADC-a CEM hlui) te; RSVY sum tichingpena puh, Rasik Mohan Chakma (CADC MDC hlui) te; Health department Principal Director hlui, Dr Zoremthangi (L) te pawh chargesheet zingah an tel baw.

Chargesheet tawh dangte chu - Lalrempui Fanai, MCS leh Bedy Lalnunthara (Sorkar sum nuai 200 tichingpena puh) te; IWDP hnuai Hariyil scheme sum tichingpena puhte - Lalchuanawma, Lalrinkima Tochwang, HS Zatluanga, H Lalrintluanga, R Dengkima te; kum 2003-05 chhunga CADC sum Rs. 29,41,650 tichingpena puh RM Chakma, Amir Tongchhongya leh Shneha Bikash Tongchhongya

te; Lalsawmzuala, CEO, MKVI; Zohmangaiha, Ex-MD, ZIDCO; C Laltharliana, MCS (Zobawk community hall sakna tur sum tichingpena puh) te; Dr N Pallai, Director, H&FW; R Tlanghmingthanga leh Lalsangliana Chhakchhuak, EE, PWD te an ni. Congress sorkar hnuah corruption case 58 a awm tawh a; mahse, Mizoram sorkar thuin CBI rawih a la ni lo.

SUM TICHINGPENNA PUH VANGA HNA ATANGA BANTE:

F LALCHHUANAWMA, Storekeeper, Supply
 L RINSANGA, MCS
 J LALTHLANTLINGA, Marketing Officer, T&C

SUSPEND-TE:

DR SANGNGHINA, Vety Director
 H LALTHIANGHLIMA, Superintendent of Excise
 VANLALRUATA, Supply Storekeeper
 FR ZORAMSANGA, Supply Storekeeper
 ZD ZONUNTLUANGA, Forest RO
 DR N PALLAI, Health Services Director
 S ROLIANTHANGA, Jt. Director, Revenue (Survey)
 L RINSANGA, MCS
 LALBIAKSANGI, MCS
 LALREMPUI, MCS
 VANLALMAWIA, Platoon Commander, MRHG
 LALCHHANDAMA, UDC, Rural Development



CAR CHESUALAH THI: Nimin chawhma lam khan Champhaia DC Road hlui kawng chhukah Matiz car, MZ-04 4752 chu a break fail avangin a chesual a, a khalhtu Lalnunluanga, Ngur khua chu a hmunah a thi. Car hian kopang sun, a invawrh bingbilet a ni.

Industries Minister Hiato Belgium-ah

Industries Minister, S Hiato chu Nilaini khan Asia chhimchhak lam ramte puala Belgium-a Investment Meet-ah a tel a; Mizorama mau that dan leh a hman tangkai dante a sawi.

S Hiato chuan, inkhawmpuia tel, khawvel hmun hrang hrang atanga kal khawmte chu Mizorama kal a,

mau hmanga thiamna sang zawk zirtir tur leh, sumdawna kawnga thawhpuia a sawm a; Mizorama atanga khumbeu a kente chu palaite a sem.

Investment Meet hi Indonesian Ambassador to Belgium, Arif Havash Oebrosano-a'n a kaihrui a; Meghalaya Chief Minister Dr Mukul Sangma chu khuallian niin, Minister S Hiato chu khalzawm a ni. Meet-a thupui chu 'Where bamboo grows' tih a ni.

S Hiato hi April 10 khan Antwerp, Belgium-a IX World Bamboo Congress-ah a tel baw a; April 14 khian Aizawlah a rawn haw beisei a ni.

CM-in corruption laka fihlim turin a chah

Chief Minister, Lal Thanhawla chuan, sorkar hnathawk leh Autonomous District Council-a hnathawkte chu eirukna leh hlemhletna laka fihlim a, an hna theuh rinawm taka thawk turin a fuih. CM hi Nilaini zan khan Lawngtlai-ah a riak a; Circuit House-a amah lawma inkhawmah thu sawiin, Mizoram sorkar hnathawkte leh LADC sorkara thawkte chu mipui tana thawk an ni tih inhria a, mipuite hmasawna tur leh hamthatna tura sorkarin sum a ruahman tipelhe lo tur leh anmahni hna chan theuh rinawm taka hlen chhuak turin a chah a ni.

Lal Thanhawla chuan, a kaihrui sorkara Minister-te chu rinawm tur leh corruption laka fihlim tura beisei an nih angin, tun thlengin corruption-ah hmingshchiatna an la nei lo niin a sawi a, lawmawm a tih thu a sawi. NLUP chungchanga, CM Hawla

chuan, retheite chhanchhuah hna ngawrh taka kalpui mek a ni a, chhungkua 1,20,000-te eizawna ngelnght siamsak tum zingah tun thlengin chhungkua 90,000 tanpui mek an nih thu a sawi a, 30,000 dangte chu inthlan leh hmaa tanpuina pek hman ngei an tum thu a sawi baw.

Chief Minister hian nimin kha Lunglei panin, nizan khan Lungleiah a riak a; Lunglei panna kawngah Thingfal kuaah gas agency thar, PC RGLV Gas Agency a kawng a, "Mizorama gas harsatna sukhang turin sorkarin a theih chin chinah hma a la a, sorkar thuneihna piah lama harsatna a awm hian sorkar mawhpui leh sawi chhiat kan ching thin hi kan inbihchian hle a ngai a ni," a ti. Rajiv Gandhi Gramin LPG Vidrak Gas Agency hi sorkar laipuiin thingtlanga thing leh mau humhalhna kawnga a hmalakna thar a ni a, Mizoramah a pahniha a ni.

Cement man to an sawiho

Food, Civil Supplies & Consumer Affairs Secretary, M Zohmingthangi hoin nimin kha Quality Control of Cement and Iron Rod Sub-Committee chuan tunlaia cement man to chungchanga an sawiho.

M Zohmingthangi chuan, tunlaiin Mizoramah cement man a san em avangin cement agent association-in lak luh rih loh an rel tih sawiin, mipuiin an tawrh theih dawn avangin a chinfel dan sawiho tul a tih thu a sawi. Meeting-ah hian huan zau taka an sawiho hnu-ah, tunah rih chuan cement company lamin cement man hi tihhian an tum thawmte hriat a nih avangin, ngaihchan rih ni se, an ti. Cement company-te chu Aizawlah inhmukhawm tura sawm a, Mizoram harsatnate leh a chinfel dan tur sawipui ni se, an ti baw.

Thli tlehin chhiatna a thlen nasa

Nimin chawhma lama thli tlehin Aizawl khawpui leh hmun hrang hrang thil a tichhia. Chawhma dar 11 velah Aizawl Civil Hospital Blood Bank building chung rangva chu a chihna rel chawpin a la a, Saron Venga Electric Veng leh Armed Veng panna kawng peng bula tlain, 'Mamaw Workshop' a delh chhe vek a, workshop chhunga awm mi pali an hliam.

Blood Bank chung thlawkin Mamaw Workshop a delhnaah hian workshop neitu, Mamaw leh mechanic Naubi Singh (26), Manipur lam mite an hliam a; workshop-a chawl mek traffic police pahni - MS Dawngliana leh Lalngaihawma te an hliam baw. Hliamte hi an na lutuk lo nia thu dawn a ni.

In chung rangva leh a rel thlawk leh workshop a delh chhiate chu Saron Veng YMA member-te leh 1st. MAP ten a singsak fel hna an thawk ngal a; workshop-a two wheeler siam tura dah eng emaw zat a chhe baw.

Civil Hospital Blood Bank chung chhawngah hian Tele Medicine Centre, College of Nursing RIPANS leh Histopathology Section-te an



awm a; in chung thliin a lak hnuah in chhungah nasa takin ruatui a lut a, thil thenkhat a tichhiah bakah, hna thawh chhonzawm theih a ni lo.

Nimin chawhma lam vek khan Hunthar Vengah thli-in Chhani in a tichhia a, in chhunga awmte an tlan chhuah hman avangin thi leh hliam an awm lo.

Sialsukah pawh thli tlehin P&E department quarters, Zorinliana luah lai a len chhe vek a, in chhunga bungruate pawh a len darh vek a ni. Sialsuk Vengchhaka Laltleipuia in chung pawh thli-in a la a, in chung tlain a bula Catholic biak-in chung a deng chhe nual. Sialsukah hian thliin in dang pathum a tichhe baw.

Zuangtuia 132 Sub-Station atanga Aizawl khawpui lailia eng pekna, 33 kv line pawh Thuampui helipad hnuai a tichat a, hei vang hian nimin khan Chanmari, Zarkawt, Laipuitlang, Electric Veng, Chhinga Veng, Dawrpui, Civil Hospital leh Treasury Square ten kawiphetha an hmu thei lo. Power line chhia hi vawin chawhma dar 10 leh dar 12 inkara siam a nih dawn avangin, nizan khan a inchhawka eng pek a ni.

April 11, Nilaini chawhnu dar 1:30 vel khan thli tlehin Serchhip district-a Lungtan kuaah in pali a nuai chhe vek a, in dang eng emaw zat a then lai a tichhe baw.

Kolasib-ah MUP General Assembly

MUPchuan General Assembly vawi 40-na chu nimin Khan Aizawl pawna a vawi khat nan Kolasib Diakkawn hall-ah an hmang a; khuallian PC Zoram Sangliana, Art & Culture Minister chuan, "Dikna leh rinawmna tih hi tunlai thangthar zelte'na kan mamawh ngawih ngawih a ni," a ti.

Minister chuan, Mizote nunphung chu dukhawp lo viau thin mah ila, Zo nun ze mawi duhawm tam tak a la awm tih sawiin, "India rama thil bo hmuh let leh beisei theihna khawpui awm chhun chu Zofate khawpui chauh hi a ni," a ti.

PC Zoram Sangliana chuan, MUP motto - 'Nang malsawmna ni ang che' tih chu Mizote nunphung dika hruai luttu tur a nih thu sawiin, "Dikna

leh rinawmna hi rah tha chhuah tura hmanraw pawimawh tak a ni a, dik lo leh belhchian daw! loa hausate pawhin rah tha an chhuah thei thin lo," a ti a; dik leh rinawmte chu an tu leh fate thlengin an hmuingil thin tih sawiin, upate chu Mizoram siam kawngah hma la zel turin a sawm a ni.

Minister chuan, mitthi sawngbawl dan chu ennawn a, hall-a invui leh inphum hunte thlir that hun a tih thu te, hlamzuih chungchang ennawn ngai a tih thute a sawi baw.

MUP Assembly President, K Malsawm'a n a kaihrui a; kum kal ta chhunga an member thi mi 1,470-te sunna hun hman a ni. MUP hian Sub-Hqrs 6, area 73, unit 569 leh member 50,750 a nei mek.

Tui hna humhalh nan YMA-in hma a la

Nikuma YMA General Conference-in "Tui hna humhalh beihpui thlak" a rel bawhzui nan nimin Khan Central YMA Hall-ah seminar neih a ni a, PHE Engineer-in-Chief, R Lalfanliana'n hmanpuiin, "Ramngawte sawisak nasat a nih avangin tunah hian nghawng tha lo a nei tan a ni," a ti.

R Lalfanliana chuan, sik leh sa danglam zelah Mizorama ramngaw

that tihchereu zel a nih chuan, ruah sur tam mah se, ruah tui chu lei chhunga lut loin a luang ral zel thei a, tui hna tur a khawl thei lo a, ruah a sur loh veleh tui a kang leh mai thin niin a sawi a; ramngaw humhalh that a nih chuan tui hna a tam leh zual dawn niin a sawi a ni.

Central YMA President, T Sangkunga chuan, YMA inkhawmpui lianin tui hna humhalh beihpui thlak a rel tawh avangin,

seminar atanga mi thiamte thusawi leh thil hmuh chhuahthe hmangin YMA-in tui hna humhalh kawngah tan a la dawn tih a sawi a; Mizoram siamtha turin YMA-in theihtawpin ke a pen zel dawn tih a sawi baw.

Seminar-ah hian P&E SE, H Dukhima, CCDU Director Lalrothanga leh CYMA General Secretary, Vanlalruata te thuziah ngaihthlaka zirho a ni.

HMARCHHAK

NE party-ten AFSPA hlih an phut

Hmarchhak biala sipai thuneihna sang, Armed Forces Special Powers Act (AFSPA) hman mek chu tribal party hrang hrangten hlih an phut thu Nilaini khan an sawi.

Agartala-a tribal party hrangte hi inhmkhawmin, hmarchhak biala regional leh tribal party-te chuan AFSPA hman mek hi hlip turin sorkar laipui an phut thu an sawi.

Asasm MP, Biswajit Daimary chuan, 'He dan hmang hian helho laka beihpui thlak chhuanlamin, sipaite kut tuarin

civil mi pawisawilo, a bikin tribal mi eng emaw zatin nunna an chan tawh a ni' a ti. Hmarchhaka rights group leh political party-te chuan AFSPA hi dan sakei tiin a hmang an phuah hial a ni.

Bodoland People's Front (BPF) hruaitu, Assam Rajya Sabha member ni baw, Daimary chuan AFSPA hi vawi tam tak hman sual a ni a, he dan hmang hian dik lo taka puhin, pawisawilo tribal thalai za telin man an tawh phah tawh a ni, a ti.

Indigenous Nationalist Party of Tripura (INPT) general secretary, Jagadish

Debbarma pawhin an pawl chuan kum rei tak chhung Tripura-a AFSPA hman chu an lo dodal tawh niin a sawi a. AFSPA tlawhchhana thalai eng emaw mante chu chhuah zalen nghal tura an phut thu an sawi. Hethilai hian Tripura chuan an state chhung hmun thenkhata AFSPA hman mek chu tun hnaiah thla ruk dang atan a pawtse a ni.

Tripura, Manipur (Imphal Municipal Council area tel loin), Assam, Nagaland leh Arunachal Pradesh-a Tirap leh Changlang district-ah AFSPA hi hman mek a ni.

High Command remtih hnuah ministry ti lian dawn



Manipur Chief Minister, Okram Ibobi Singh chuan a kaihrui Congress sorkar hnuah ministry tihlen hun chu party high command-ten rem an tih hnuah a ni ang, a ti.

Nilaini-a CM Secretariat Office Chamber-a chanchin thar lakhawmtute a kawmnaaha, CM chuan April 16 hian New Delhi-ah All India Congress Committee high command meeting neih a ni dawn a, he hunah hian party hotu lutten rem an ti tlang a nih chuan a ministry tilian turin hma lak a ni ang, a ti. He meeting-ah ihan Prime Minister Manmohan Singh, AICC hotu Sonia Gandhi leh an

party hruaitu pawimawh dangte an tel dawn a ni.

CM hi meeting-a tel turin Delhi a pan a, AICC pawmpui minister list nen an state-ah a kir ngei beisei a ni.

Ibobi Singh hian senior MLA pathumte chu minister-ah la lutin an chanvo pawh a pe tawh. Mahse minister dang ruat belh turah party MLA-ten minister dinhmun chelh an duh vek avangin ama mimala thutlukna siam loin, central lama party hotute kutah a dah ta zawk a ni. Ministry tihlen turah hian Muslim leh ST aiawh tur bakah, hmeichhia pakhat tal thun an nih rin a ni.

Shillong-ah Wool bank din dawn

Hmarchhak biala a hmasa ber ni turin, Meghalaya khawpui Shillong-ah Central Wool Development Board (CWDB) leh Indian Chamber of Commerce (ICC) chuan state sorkar nena thawk dunin 'wool bank' an din dawn.

Deputy Chief Minister BM Lanong chuan Meghalaya chuan wool bank dinna turin theihna t ha tak a nei a, hei bakah hian hmarchhak biala state hrang hrangte chuan wool bank leh bank dang din an phu a ni, a ti.

Veterinary department changtu, Lanong hian an state-ah bawng vulh bakah beram vulh hcu nasa taka uar chhoh an tum tih a sawi a, CWDB atanga sum hnuhte chu hman tangkai turin state dangte a ngen baw. An state chhunga bawng vulh chu a sa ei atana tih a ni a, mahse huang zauh a hun tawh a, woollen leh garment industry dinna atana hma lak a ngai tawh a ni, tiin Lanong chuan a sawi.

HPL-in NIT Nagaland campus sa dawn



Silchar, Assam atanga Nagaland-a National Institute of Technology (NIT) campus sawnna tur chu Hindustan Prefab Ltd in a sa dawn. HPL hian NIT atangin Nagaland campus design-a, thawk nghal turin inremna a siampui ta a ni. Project hlutzawng cheng vaibelche 400 a ni.

NIT campus hi Nagaland sorkarin a sakna tura ram acre 300-a zau a zuah, Nuland hmuh sak a ni ang. Kumin January thla atang Khan NIT Nagaland-a kalte hian Chumukedima, Dimapur-a DC complex tharah class an nei thin a ni.

Campus sakna tura inremna hi V Ramachandran, Director, NIT, Nagaland leh HPL's chairman and managing director Jaiveer Srivastavaa-ten an ziak a, ni 10-15 hnuah hna hi thawh tan beisei a ni. Kum thum leh a chanve chhungin project hi zawhfel tum a ni baw.

Corruption zirhona

Mizo Zirlai Pawl (MZP) chuan vawin chawhma dar 11 hian I&PR Auditorium-ah eirukna leh hlemhletha chungchang zirhona, 'Seminar on Anti Corruption' a buatsaih dawn. He hunah political party hrang hrang aiawhte tel turin an sawm a; Sr. Civil Judge, Dr HTC Lalrinchhana leh M Lalmanzuala ten paper an present ang.

Tuizem pe

ZOPLAST neitu, LH Pachau chuan Aizawl Press Club tan tuizem pakhat a pe a, a chungah MJA a lawm hle.

VLIC hun pawtsei

High Level Consultation meeting of NLUP chuan, Village Level NLUP Implementing Committee (VLIC) te term chu March 31-ah tawp tawh mah se, May 30 thlang emaw, VLIC thar siam hma atan a pawtsei.

CM Relief Fund

Mizoram Veterinary Service Association chuan Chief Minister's Relief Fund-ah Rs. 20,000 an chhung lut.

LADC Rs. 7,91,00,000 pe

Lai Autonomous District Council sorkar hnuah office building leh thawkute quarters sak nan Finance Commission 13-na atangin Rs. 7,91,00,000 pek a ni.

LADC CEM, C Ngunlianchunga sawi danin, an pawisa hmuh zinga Rs. 1,75,00,000

chu first installment atan pek chhuah tawh a ni a, chumi hmang chuan kum 1975-76 vela office sakna hmuh CEM office tur, Rs. 2,11,00,000-a sak tum a ni a, cheng nuai 100-in Council Hall pawh sak a ni. Nuai 60 theuh sengin EM panga quarters tur sak tum a ni baw.

Lengpui Airport-ah thlai vawn thatna

Lengpui Airport-ah thlai thar vawnthatna (cold storage) bun a ni dawn a, chuta tan chuan Mizoram Small Farmers Agri-Business Consortium (Mizoram SFAC) leh APEDA, Guwahati chuan tun hna ihan inremna

thuthlung an ziak. Lengpui Airport terminal building-a bun tur, Walk-in Type Cold Storage din nan hian cheng nuai 20.64 ruahman a ni a; a senso zawng zawng chu APEDA-in a tum vek dawn a ni.

MZUAA-in lawmpui

Mizoram University Alumni Association chuan thuchhuah siamin, MZU Controller of Examination, Prof. RL Thanmawia'n Padma Shree a dawng chu an lawmpui thu leh an chhuan thu an tarlang.

HUN AWL ATAN HMUN AWL

Ripley's Believe It or Not!

MEXICO'S BLIND CAVE FISH

hi an pianin mit nei mah se, reiloteah an vunin a khuh vek a, engmah hmu thei loin an awm,

INCA EMPIRE hunlaia mite chuan an chhiah chawi tur chu a hna thawhin an tlak thin.

4-11

Central Asia-a ARAL SEA kha kum zabi 20-na project hrang hrang avanga a tui lakpen anih khan nasa takin a kam a, lei charah lawng tueik tam tak hmuh tur a awm.

VANGLAINI CROSSWORD NO.1795

1	2	3	4	5	6	7
8						
				9		
10		11				
		12		13	14	15
16	17			18		
19				20		
			21			22 23
24			25			26
					27	
28						

Bomb kamtu beng tansak

Nimin Khan Afghanistan chhimlam, Helmand province-ah tualchhung mipuite thinrimin kawngpui kama bomb kamtu nia puh chu manin an beng pahni an tan sak. Bomb puak vang hian civil mi pahni an thi a ni.

Helmand province thupuangtu chuan Garmser district-a nimina bomb puak vanghian tleiraw pahni an thih bakah, midang pathumin hliam an tuar niin a sawi.

Bomb a puah hnu hian tualchhung mipuite chuan bomb kamtu nia an puh chu an man a, vantlang hmuh laia khaihluam an tum a ni. Police leh district thuneite an

inrawlh a, an khaihluam hmain an mi man hi an laksak thei a ni. Mahse police-ten an chhan hma hian mipui thinrimin hian an mi man beng pahni hi an hlehsak hman a ni.

Kum 2011 atang Khan Afghanistan tualchhung indona avang hian civil mi 3,000 chuang an thi tawh a, pawikhawihna thlentute hi Taliban firfakte an ni tlangpui. Nimin bomb kamtu kutthlaktute chuan an mite chunga pawikhawihna thlentute vauna tura ti an nih thu sawiin, civil mite tuarna thlen zawnga pawikhawih an tum leh a nih chuan an en liam mai mai dawn lo tih an sawi.

PHEI

3. Lawm tlak lo; Inthlahrunpui awm(9)8. Mihring taksaa awm(5)9. Thutiamna nei; "Tiam tlat e!" ti(5)10. Inbel(2)11. Rannung-a sawt/phar(5)14. Zilh(3)16. Innel; Inzawm tha(6)18. Hun/Ni hman lai(6)19. Khin(3)21. Zan mut(5)22. Uap; Khek(2)24. Inkalsan(5)27. Zu thianghlim?(5)28. Pasal nei(9)

CHHUK

1. Tihtur hrilh; (Thu) ken tir(4)2. Chakna(3)3. Ni rukna(7)4. Hnathawh man(5)5. Inkhai; Inthen(3)6. Ai chuan, Ni lo zawngin; Nih loh mai bakah(7)7. Chawhtawh(6)12. Thil ahna lian; Thleninah an bang thin(7)13. Hlimpui(7)15. Ro chiah lo(2)16. vaki (6)17. Hun bi; Arsi; Eng min petu(2)20. Saiip(5)23. Kawng ngai kalsan(4)25. (Hmun) luahsak(3)26. Ramhnuai tuikhur?; Tui awmna(3)

CROSSWORD 1794 CHHANNA

T	A	I	A	H	C	C	H	A	H	
H	K	N	U	H	A	H	I			
A	W	M	P	U	I	A	W	H	A	W
W	U	H	W	A	I	N				
P	A	M	I	H	L	A	W	H	F	A
A				A	U	H	N			
T	I	H	R	A	W	L	N	I	A	R
A	S	A	Z	V	A	A				
H	L	E	H	L	E	I	N	K	A	W
H	B	U	M	N	A	I	A			
A	R	S	I	I	K	N	A	W	R	

DAWNTISEI

"Kan hriat chian loh vangin mi kan hua a
Kan huat vangin kan hre chiang thei lo"



Police leh mipuite

Tun hnai khan Aizawl Police Station-ah 'Child Friendly Police Station' tih hmangin hun hman a ni a, he hun hi Mizoram State Child Protection Society, Social Welfare department leh CHILDLINE, Centre for Peace and Development-te tangkawp buatsaih a ni.

Mizo mipuite'n police kan hmuh dan hi thuhmun vek lo mah se, mipui tam zawk hi chuan police hi 'hlahawm' leh 'mi mantu' ang maiin kan hmu niin a lang a, police-te hi thlamuanteu leh venghimtu angin kan en thiam lo hle. Hun rei tak chhung chu Mizoram chhungah ngei pawh police-te hi misual leh misual nia rinhllehthe man a, dawp a, a tul chuan na tak pawha kutthlak hreh lo ang maia ngaih an ni a, hei hi mipui rilruah a riak rei hle.

Tunah erawh police-te hi misual mantu mai an ni lo a,

Naupangte hnena police station nihna dik tak hrilh hriatte hi thil tul tak a ni a, naupangte chauh ni loin Mizo mipui nawlpui hian police nihna dik tak kan hriat chian a, min vengtu leh thlamuanteu tur an ni tih hi kan hriat fuh deuh deuh a tha

mipuite venghimtu, mipuite thlamuanteu leh a tul huna misualte pawh man thintu an ni tih kan hreh fuh tan ta. Tun hma chuan nu leh pate pawhin an fate tihthatna atan police-te hi an hmang fo a, min venghimtu tur ber hi hlahawm angin kan chhuah a, chu chuan naupangte rilru pawh thui takin a kaihrui thian a ni.

Tun hnai police kan hmuh dan a danglam chho mek a, kan police-te pawhin kawng tam takah hma an sawn chho zel a, mipui leh police inkar pawh boruak a tha chho telh telh niin a lang a, a lawmawm hle. CDP-te hmalaknaa naupangte hnena police station nihna dik tak hrilh hriatte

hi thil tul tak a ni a, naupangte chauh ni loin Mizo mipui nawlpui hian police nihna dik tak kan hriat chian a, min vengtu leh thlamuanteu tur an ni tih hi kan hriat fuh deuh deuh a tha hle.

Sawhthing hi aw...

Enga tan nge an hman chu ka hre lo na a, a to kum hi chuan thingtlang pa te chuan kan nawm ve phah khawp mai. Mahse, kuminah hi chuan a hralhna awm lo hi kan manganpui a. Thingtlangpain kumpui lingleta kan lo nghah kha a ni a, a hrilhai thlak hle.

S a w h t h i n g hralhna a that chuan TV te, Washing Machine, Telephone etc. te kan lei ve thei ang chu tia naupang tap kan lo thlem vena chu mumang ang mai a ni ta. Tunah hian kan sorkar hian chuti zatin min lei sak se, kan ti lo a. Sawhthing hralhna awm lo leh kut hnathawktute mangang au thawm tal hi chu min lo hriat sak ve se kan va ti em.

Kan ram rorelna sang berah kan MLA zahawm tak tak te

hian min au chhuah sak ve thei lo'n ni? tia kan ngenna te chu hun a awm lo nge ni, zan lamah session te kan lo thlir ve thin a. Mahse, kuthnathawktute harsatna hi chu House-ah a thleng pha ve lo a ni ang e. Kan mangangin MAMCO ho te kan tahawh a, anni lahin ngaihtuah a nih thu leh state dangin an thar ve vang a ni e,

CHHIARTUTE THUKHAWCHANG

tiin min lo chhang leh mai thin.

AMFU hotute lah chuan, Mizoram aia variety tha zawk state dangin an chin thu min lo hrilh bawka, a thenin Mizoram aia tha a awm lo an ti bawka si. Ar ang kan vai leh thin, thingtlang mite kan lu a hai mang e. Kan ngaihtuah sanat poh

leh kan lungchhiat a zual a, mirethei kuthnathawktute hi kan lo hlahawm lo a, aw pawh kan nei ve thei ta lo.

A nihna tak hi chu thu neitu te hian min hriatpui se chuan, sawhthing man hi a tlawm thei lo hrim hrim. Nilengin ni kangah sawhthing kan ling a, thlan tui leh vaivutin min bawh a, mahse kan nun khawchhuah ve theihna tur a nih avangin heng hi pawisa thei kan ni lo.

A changin thli leh ruahin min nuai a, chutiang karah a rah kan seng dawn a, kan hlim ve hle a. Hah pawh hre ngam lova harsa taka kan thawh rah chu tel a hun dawn ta chenga a hralhna lamah kan buai ta tlat a, kan va vanduai tak em!

- **Samuela Pa, Tachhip**

'Mizo tihin tawng a nei lo' tih kha

Tunlai hian tawng lam thu ziak a awm zauh zauh a, a tihzia hle. Pu Lalawikunga ziah, 'Mizo tihin tawng a nei lo' (Vanglaini, 1&2 April 2012) kha ngun deuh takin ka lo chhiar ve a. Kan zir ve dan tlema han ziak ve ka tum a ni.

A ziaaktu hi a hmanhmawh deuh emaw ni, a thu a inluhkhah nasa hle a, a sawi tum ber tak hriat a har viau. He article tawi deuh takah hian, 'Mizo tawng a awm lo, Mizo tihin tawng a nei lo' tih lam hawi hi wavi nga (5) a ziak a. Tin, 'Lusei hnam tawng bil liau liau a ni' tia ngaih theihin wavi li (4) emaw a ziak bawka a. He thu ziak hi a chingchivet deuh avangin, kan tarlan tak hi a sawi tum ber niawm hi, a sual lo ang chu maw!

Capt. T.H.Lewin-a ziak, The Hill Tracts of Chittagong and The Dwellers Therein With Comparative Vocabulary of The Hill Dialects, 1869-ah chuan Mizo hnahtlak Hrangkhaw, Biate leh Sakechek te tawngah ui, tui, in, ni (sun), nu, pa tih te chu a inang vek tih awlai takin a hmuh theih. Tin, C.A. Soppitt-a ziak, A Short Account of The Kuki-Lushai Tribes on the North-East Frontier, 1893-ah pawh, ui, tui, in, ni (sun), nu, pa tih te chu Mrung, Ku-mi, Mru, Khiang, Bawm, Pang te a inang vek bawka a; anni hi Cachar, North Cachar, Sylhet, Naga hills-a chenge te a ni a.

G.A. Grierson-a chuan kum 1890-1900 vel khan British-India chhunga hnam chi hrang hrangte tawng a la khawm chiam a. Mizo hnahtlak chi leh chi peng (clan & sub clan) hrang 24 lai thumal 43 lai zingah tui, ui, ni (sun), in, nu, pa tih te chu a inang vek a. Prof. G.H. Luce-a chu kum 1954 December khan Chin Hills-ah zinin tawng hrang pasarihte thumal sang chuang a la

khawm a, thumal 700 lai chu an intawm tih a ziak bawka. Kan tarlan tak tawng thuhmunte hi Lusei tawng a ni bik lo, an zavaia hman tlan vek niin a lang.

Hengte hi an chenna inhlak tak takte tawng hman he thu ziak tawi te atan hian awlai taka tawng hlun deuh kan han thlan chhuah mai a ni a, kimchang deuha sawi tur pawh a thahnem hle. Tin, Hlado leh Bawh hlate hi, tunlaia Lai (Pawi) tawng kan tih deuh vek a ni a. Mahse mahni ta theuhah i-he lovin kan hmangin kan pawm vek hlawn.

Kum 1890 hma lam te kha chuan, kan tarlan tak Mizo hnahtlakthe hi intlawhpawh ngai meuh lo, indo fo leh rawlrala inbei thin an ni a. Mahse hetiang tawng thuhmun tam tak an hman hlawn avang hian, Kawlphai (Kabaw Valley)-a an chen lai, kum 800-1200 AD vel nia rin hunah te hi chuan an khawsaho ang a, tawng thuhmun an hmangin kan ring nghe nghe. Chuvangin a hnu kum tam deuhah, intlawhpawh leh inkalpawh lo mah se an tawng thahnem tak a la thuhmun niin kan ring a ni.

Tichuan tuna Mizo tawng kan tih hi, an tawng hmanho zawi zawia hmasawn zel atanga lo awm a ni a. An chenna a hrang a, hnam lian zawk an hnaihte tawng chu tlem tlemin an lachhawng lo thei lo a, an tawng kalhmang pawhin a zui deuh zel a. Anmahni tawng ngei pawh a lam dan leh a thlukah a danglam hret hret lo thei lo ta zel a. Kum 1890 vela British-in an awp a, indo leh rawlrala inbei an khap tlat hnu kha chuan an lo inkalpawh ta deuh deuh a. Chutianga an inkalpawh tam deuh hnu chuan Mizo hnahtlakthe tawng chu zawi zawia an luang khawm leh ta mek a. Tun hi kan thleng ta a ni.

Tuna 'Mizo tawng' kan tih hi 'Lusei tawng' a ni bik ngawt lo a, Kawlphai an chenho laia an hman tlan, ram hrang hrang an darh tak avanga tlema dang hret hret lo luang khawm leh mek, Mizo hnahtlak tawng peng (dialect) infinkhawm mek zel niin a lang. Lusei tawng chu a bulthut a ni maithie e. Mahse an hauh bik thei lo a, ka ta an ti bik thei hek lo, 'Kan zavaia ta' a ni zawk e kan ti a ni.

Kan hriat theuh angin tun hnaiah 'Pawi' tih thin chu 'Lai' tih a ni ta a; an tawng pawh 'Pawi tawng' ti tawh loin 'Lai tawng' tih a lo ni ta a. 'Lakher' tih thin pawh 'Mara' tih a lo ni ta a, an tawng pawh 'Mara tawng' tih a ni ta bawka. Chutianga zel chuan 'Tuikuk, Riang, Bru' tia thlak a ni ang zelin an tawng pawh hemia inngat hian sawi zel a ni bawka.

Chutianga ngun deuha thlir a, zau hek hawka kan zir hi a pawimawh em em a ni. Pu Lalawikunga hi a zahawm hle naa a zir chiang lo deuh a, a dap zau taw lo bawka a, a khawhawi a var taw lo deuh a ang hle.

Tuna Mizo tawng kan tih hi Mizo hnahtlak zawng zawng tawng luang khawm mek zel a ni a. Chuvangin, Mizo tawng hi a piang mek a, a zau deuh deuh ang a, a pung zel dawn a ni.

Ram tin kil tina Zofate zawng hi, Suihlung ruala thinlung hmun khat puin; Hmangaihaa insuih khawm zel hi, Kei ka lungkham leh duhaisam a ni.

- **B Lalthangliana**

Heti zawng ve thung hian

Tlem lai khan ziak mi thenkhatte zingah kohhran puipate boral changa vuina/ thlahna hunserh Biak Ina hman a that zawk leh zawk loh chungchangah thu inchuh a awm deuh a; kohhran upa mai ni lovin kohhran member dangte boral chang pawha Biak Ina ruang lak luh tha ti zawk pawh an awm a. Tun tumah chuan kan tun lai khawsak dan mila YMA/ Community Hall-a ruang seng luh a that zawk mai theih thu i lo sawi thung teh ang.

Kan khawpui hi a tawt ta hle a, chutih laiin chhungkaw tam zawk hi mi In luaha khawsa kan ni. Khawpui chhung kan bawh nasat avang hian eng anga kawmkar rem lo pawh ni se luah theih tawng tawng cheibawl a nih tawh chuan in ruak a awm hman reng reng lo. Hetiang a nih avang tak hian chhiat that tawh changin tuna kan kalphung hian min dawl zo ta meuh lo niin a lang.

Chhiattaw kan han awm a, veng hrang hrang atangin thenrual tha leh chhungte vui program nang hman turin kan han kal khawm a, vui hun tan hma hauh pawhin step leh hmun awl awm apiang a khat hman thin. Mi lian leh neinung deuhthe chhiat tawh tum pawhin hmunin min dawl zo chuang lo va, a zualzapui vailenlo tih ang mai a ni zawk thin.

Hetianga a nih avang hian sofa chungah pawh thu peih lova mu khamphei chung ngata TV en thinte pawh kha chhun pachang ni sat vanglaia chuti ang dinhmuna awm hrehawmia chu a tawngtu kan nih vek hlawn avangin kan hre theuh ngei ang a, khawchhe hnuaiha pheih chuan a hrehawm zual thin hle a ni tih kan hriat kha!

Ruang en duh leh puan leh pangpar ilo dah duh tan pawhin tharum hmanga beih fe hnuah kuang kan thleng thei hram thin a. Chuti ang karah chuan nula che fel thlap thin tan pawh thingpui sem chu tih namai a ni lo va, chetsual palh vanga zah ram ram chang pawh a tam ngei ang. Saiip chhunga vaihlo tlawh muk ang maiin kan inbeng muk alh thin a, hetiang taka kan innek sawr chhung hian darkar li (4) lai te a aw thin. Amaherawhchu, hetiang taka hrehawm tawrh hi Mizo takin kan inhuam a, tumah phunnawi pawh kan awm ngai lo - Mizo nih a va nuam thin em!

Nimahsela, hetiang hrehawm tawrh hi la inhuam leh mah ila chik taka han ngaihtuah erawh chuan vui program

hlawhtling zawk leh tuarpuitu mipuite pawhin mumal zawka tawrhpuina thinlung leh hmel kan lantir theih nan kan ke chheh dan kan her rem hret chu a hun ta niin a lang. Chu vang chuan Aizawl khawpui bikah chuan chhiat tawh chang hian ruang hi YMA/ Community Hall-ah lak ni thin ta se a fuh viau lo'ng maw?

Hall-ah chuan mipui kan leng tam hle thin a, kan leng ta lo deuh a nih pawhin Hall hi chu veng chhung rau rauvah chuan hmun nuam leh ualau deuha a awm chawkw avangin pawh lama thutna rem belh pawh a samkhai viau dawn a, chhiat tawh kan awm apianga traffic buai ta ziahte pawh hi engemawchen chu a ziaawm phah deuh lo'ng maw? Tin, mi neinung deuhthe pawh hian in chhung pindante hi chhiat that tawh hisap ranin kan siam lo tlangpui a. Pindan bang thiah remchang lo chin a awm lo thei thin lo va, chu vangin inchnungah kan inbruksiak a ni ta ber thin. Tlaivar zanah ngat pheih chuan zai mang lova phun ser ser a awl avangin zaite pawh a rual tha hlei thei thin lo.

Chu bakah thih thu hriat a nih veleh hmanhmawh takin inchnung bungrua kan han sengkhawm rawk rawk a, bang kan han thiat nghal nawk nawk thinte hi a neitu lam tan thil bo leh chhia a tam phah bawka. Ruang hi YMA hall-a lak a nih chuan vui hnu lam leh zan lama khawhar lenpuina atan makpaten thluak fimin thil senghawi ngai leh bang thiah ngaite an singsa fel thei ang a, thil a buangbar lo hle ang.

Vui Program hi kohhran program mah ni se Biak Ina hun hman erawh a remchang lo thei. Kohhran tam tak hian veng tinah Biak In kan neih vek lem loh avangin YMA kaihhruaina hnuaiha rualkhai taka thil kalpui a, vui program chu kan tih dan pangngai ang thova kohhran kutkentir chhunzawm zel a tha bawka ang.

He mi chungchang hi a thatna lai leh that lohna laite ngaihtuah theuh ta ila, a thatna lam buk hi a rit mah mai thei. Kan harsatna ber tur chu mahni hmangaihte hmun hram (hall) atanga thlahiam kan uina lai tur hi niin a lang. Amaherawhchu, 'ngaia neih' a harsa lovin a rinawm. 'Mizo culture nen a inmil lo' ti pawl kan awm leh mai thei bawka a; nimahsela, tlem laia Zarkawt khawtlangin khawhar in riah chungchanga ruahmanna thar tha tak (a hun laia mi tam tak sawisel) an siam leh Laipuitlangin thlan laih chungchanga ruahmanna fing tak, huaisen taka an siamte hi culture nen a inkalha ngaitute 'chhanna' atan chuan a tha tawh tiu teu hle ang.

Engpawhnise, kan tun lai dinhmun enin ruahmanna thar kan siam chu a hun tawh hle chuan a lang. Tin, sakhaw dang, ruang inhal ral thin engmawzatin min chim tawh bawka avang hian khaw! hmanga inhal ralna (Electric Crematorium) neih ve vat a tha ta hle bawka - thing leh mau humhalhna chi khat a ni dawn bawka si!

- **Tlaisun Lalnunsiam, Selrunpui**

Maoist-ten an mi man an chhuah


Nimin khan Maoist helhoin Italian tour operator Bosusco Paolo an man chu Odisha-a Kandhamal district-ah an chhuah.

Paolo-a mantu, Communist Party of India(Maoist) Odisha State Organising Committee chuan nimin zing dar 5 vel khan an mi man hi Kandhama-a Raikha bulah sorkar nena an inbiaknaa an aiawh tura an ruat pakhat, Dandapani Mohanty hnenah an hlan a ni. Helho hian Paolo hi ni 26 chung an hreng hman.

Mohanty hian nimin vek khan Paolo hi state official-te kutah a hlan chhawng leh nghal a ni.

Maoist-te hian Paolo leh Italian khualzin, Claudio Colangelo-te hi March 14 khan Kandhamal district-a Daringbadi-ah an man a. A hman Colangelo hi an lo chhuah tawh bawk.

Hetihlai hian Maoist pawl dang, Maoist Andhra Odisha Border Special Zonal Committee (AOBSZC) chuan an mi man, BJD MLA Jhina Hikaka chu sorkarin an thil phut a tihhlawhtlin loh chuan chhuah an la tum loh tu ziaikin media mite an hriattir leh. AOBSZC hian Hikaka tlan chhuah nan hian an pawl member tang mek zinga 30 tal chhuah an phut a, chhuah tura an phut zingah hian pawikhawihna tum 41-a



inhnamhnawih, Chenda Bhsanam, Ghansi tia hriat pawh a tel.

Mahse Home Secretary, UN Behera chuan AOBSZC-ten lehkhia an tichhuak thar leh nia sawi hi sorkar chuan a hre lo niin a sawi. Behera chuan April 5 khan sorkar chuan helho phut angin mitang 23 chhuah a lo remti tawh a ni, a ti.

Sharad Pawar-an PM lehkhia a thawn

Union Agriculture Minister, Sharad Pawar chuan Thawhlehi khan Prime Minister Manmohan Singh-a hnenah lehkhia thawnin, sorkar policy chuan loneitute tan harsatna a thlen zawk a ni, a ti.

Group of ministers, Thawhtanni-a thukhawm chuan kumin chungun ram pawn lamah lapua, bale maktaduai 13 aia tam thawnchhuah an khap a. Hetianga khuahkhirhna an siam hi loneitute

harsatna siamsakna leh hnungtawlhna a ni, tiin Pawar chuan a sawi.

PM hnenah a lehkhia thawnah, Pawar chuan 'Wavi tam tak loneitute dinhmun pawimawh bera dah a, agriculture policy siam a tul thu ka sawipui tawh che a. Nang pawhin hetiang ngaihdan hi i tawmpui thin a ni. Mahse sorkarin thutlukna a siam-ah loneitu hamthatna leh hmasawna tur ngaihthasak an ni leh fo si a ni' a ti.

Kudankulam a him taw : Nuclear chief

Nuclear energy program hotu, Dr Srikumar Banerjee chuan Tamil Nadu-a Kudankulam nuclear plant siam mek chu khawvela reactor him ber pawl a ni, a ti.



Banerjee chuan, 'A him leh him loh chungchangah buaina tur a awm lo. Plant himna enfiat hna chu zwahfel a ni tawh a, khawvelah pawh a him ber zinga mi a ni ang' a ti. Sri Lanka-in nuclear plant siam tur a hlauhawn thu a sawi chu hlauh tur a awm lo tih a sawi.

Tunkar tir lam khan Sri Lanka chuan Kudankulam nuclear reactor atanga radiation put palh theih a nih thu sawiin, hei hi a thlang a nih chuan Sri Lanka thlengin a ngawng

pawh thei dawn a ni, a ti. September thlaa International Atomic Energy Agency (IAEA) convention ah pawh sawichhuah an tum thu an tarlang a ni.

Russia nena thawkduna cheng vaibelchhe 13,000 senga siam mek, Kudankulam nuclear plant hi zawhfel a nih hun chuan reactor paruk awmin, hengte hian Tamil Nadu-in hniang hnar taka a hman tur power a pe chhuak thei dawn a ni.

CBI-in thamna pek tum chungchang an chhui

Khawmual sipai hotu lu ber, General VK Singh-an sipaite hman tur Tatra truck supply-tu ten thamna pek an tum nia a sawi chungchang chu CBI-in a chhui tan ta.

Gen Tejinder Singh-an kum 2010, September thlaa Tatra truck tha tawh lo supply-na tur a lo pawmsak chuan thamna, cheng vaibelchhe 14 pek a tum thute a ziaik a ni.

Tata truck siamtute inbiakna photocopy pawh eng emaw zat a pe tel nia sawi a ni. He document hi inremna siam chungchanga official hrang hrange inhnamhnawih dan chhuina atana thil tangkai tak a nih rin a ni. Gen Singh chuan Tatra truck-te hi an tha tawh lo tih hriat hnuah pawh sipai hman tur hian lei chhunzawm zel a ni, a ti.

CBI hian Nilaini khan thamna pek tum chungchangah hian preliminary enquiry (PE) ziaik lutin, an chhui tan nghal. Gen Singh hian CBI hnenah defence ministry leh

KHAWVEL

Syria-a eptu laka beihpui thlak tihtawp a ni

Syria Defence Ministry chuan nimin atang khan sorkar paihthlak tuma helte sipai chakna hmanga beih thin chu tihtawp a ni tih a sawi.



Kofi Annan pawhin nimin zing dar 6 atang khan Syria ram hmun hrang hranga sipaite hmalakna tihtawp a nih tur thu chhuahna thleng titawp tura hma la turin an nawr reng bawk.

Syria buaina tihreh dan kawng zawnga UN-Arab League palai atana ruat, Kofi Annan chuan khawpui hrang hranga eptute bei tura sipai leh ralthuam dahte chu nimin ral hma ngai khaan la kir vek turin sorkar hnenah rawtna a lo siam tawh a, hei hi Syria sorkar pawhin a remti a ni.

Syria sorkarin a hriattir niin a sawi. Hemi rual hian Syria tualchhung buaina tih tura Syria sorkar laka rawtna paruk a lo siam tawhte tipuiling turin theitawpa beih zel a tum.

Kum khat chuang zet Syria tualchhung buaina thlang vang hian mi 9,000 chuangin an thih phah tawh niin UN chuan a sawi a, ram hrang hrangin Syria sorkar chu thisen titawp tura hma la turin an nawr reng bawk.

SKorea-ah rorel lai party a chak

Nilaini-a South Korea Parliament inthlanah rorelai, conservative New Frontier Party (NFP) chuan hnenah a chang chhunzawm leh. Vote tla hi 54.3% a ni.

NFP hian National Assembly seat 300 awmah seat 152 lain, eptu pawl lian ber Democratic United Party (DUP) aini seat 25 in a la hmem zawk.

tiin lawmthu a hrihl. Sorkar chuan an ram siamtha a, dinhmun ngheta din tir leh mipuite khawsak phunga hmasawna tur ngaihven zel turin theitawp a chhuah dawn a ni, a ti.

Parliament inthlan hi December thlaa President thlanaa neih turah party hrang hrange dinhmun hrihlu tura ngai a ni a. Rorellai party-in chakna an chan chhunzawm leh tak avang hian NFP president candidate ni

Kim Jong Un-an chanvo thar neih belh



North Korea hruiatu, Kim Jong UN chu rorelai pawrti, Workers' Party of Korea (WPK) central military commission chairman atan ruat thar a ni a, Politburo member atan ruat a ni bawk.

atan hian rocket hi kachchhuah a tum a ni. NKorea chuan satellite a kachchhuah tur hi a ram china khawchin leh data pawimawh thawnna atana ti a nih thu a sawi a, mahse sawiselute chuan hei hi UN resolution-in long-range missile technology enchin a khapsaknain a huam phak niin an sawi thung.

Nilaini-a WPK Conference-ah Kim hnenah chanvo thar hi pek belh a ni. Kum 2010, September 28 khan central military commission vice chairman atan hian ruat a lo ni tawh a ni.

Hetihi hian NKorea chu rocket kap chhuak turin a inpeih tawh hle. Pathianni hi NKorea hruiatu hui, Kim Il-sung-a piancham vawi 100-na a ni a, hemi lawmna chi khat

Rocket kachchhuah ni tur hi an la puang lo a, April 12-16 inkarain an ram hmar thlanglama tuipui kam atangin an kapchhuak dawn a ni. Hei vang hian airlines hrang hrang chuan an thlawhna kal kawng pawh an tidanglam tawh a, US chuan rocket kachchhuah endik tur hian lawnglian a tir bawk.

May 6-ah Greece inthlang dawn

Greece Prime Minister Lucas Papademos chuan May 6-ah an ram inthlanpui neih a nih tur thu a sawi.



Leiba a ngah avanga Greece ram dinhmun chhe mek siamtha a, khalh ngil turin nikum November thlaa Khan Papademos hi Prime Minister atan ruat a ni. Thla nga chung PM hna a chelh hnuah inthlan neih hun tur hi a puang ta a ni. Inthlan neih tur thu a puang rual hian PM chuan campaing chung pawhin sorkar chuan theitawpin an ram siamthatna turin hna a thawh chhunzawm zel dawn a ni, a ti.

Kum sawmli chung chu Pasok leh New Democracy party-ten Greek politics hi an awpbet a, inthlan hnuhng berah pawh party pahnihte hian seat 80% an la ni. Mahse kumin inthlanah erawh chuan an dinhmun a danglam hle rin a ni a, tunhnaia mipui ngaihdan lakah pawh party pahnihtu belhkhawm hi 33% chauh an tling tawh.

THALAI PUAL

Album chart-ah Nicki Minaj Madonna a tlahniam chak

Nicki Minaj album thar Pink Friday: Roman Reloaded chu Billboard album chart-ah pakhatna a hauh a, chutihlai chuan pakhatna hauh thin Madonna album erawh chu #8-naah a tla thla vawn vawn.



Nicki Minaj album pahnihta Pink Friday: Roman Reloaded hi copy 253,000 hralh belh leh a ni a, pakhatna a rawn hauh ta a ni. Critics lam atangin fakna a dawng tam vak lo nachungin Roman Reloaded hi mipui zingah a tla na hle.

Madonna album 12-na MDNA chuan pakhatna a hauh ve zawk nain rei a hauh lo hle a. A release hlim khan copy maktaduai 1.1 zet a hralh hlui a, tunah erawh chuan copy 48,000 chauh a hralh tawh a. A lei duh tur ang chuan an lei deuh vek tawh a ni mahna. Tunah Billboard Hot 200-ah pariatnaah a tla thla daih a ni.

Pahnihta hauhtu chu Adele bawk a ni a. He nu hian nikum atang khan Billboard album chart-ah hian chet chhiat tak tak lai a nei lo va, top 5-ah

a hming a lang ngar ngar reng a ni. A album 21 kha copy 153,000 a hralh leh a, No. 2-ah hapta 59 a awmna chiah a ni. He album hi US-ah bik ringawt copy maktaduai 8 a hralh tling tawh a ni.

Country music band Rascal Flatts album pakuana Changed chu pathumnaah a awm a, British folk-rock band Of Monsters and Men album My Head is an Animal chu paruknaah an awm.

US X Factor-ah Britney Spears



Simon Cowell-a buatsaih American X Factor-a judge tur zawna chu a hmawr an bawh tan dawn niin alang a. Judge atana an biak hnuhnun ber chu Britney Spears a ni.

TheWrap-in a tarlan danin Britney Spears hian judge-a a awm avang hian \$mtd13 a hlawh ang a, hei bakah show-a a perform velna turte nen a hlawh tur zawng zawng chu \$mtd15 a tling dawn a ni. Tunah hian an inbe mek zela, hming erawh an la ziah hnan lo va, mahse Britney Spears hian a pawm ngei a rinawm hle.

Britney Spears hi a tirah chuan \$mtd10-in an dawr phawt a, mahse Britney hi a lo inchiar to ve hle a, \$mtd20 zet a inchiar a. Amaherawhchu a lehlah ve ve an tawh a, \$mtd15 hi an sawi thluk a ni. Mahse midang an la mamawh hmel viau a. Paula Abdul leh Nicole Scherzinger ten an chhuahsan a, judge pakhat dang an la melh leh mek.

Katy Perry'n lar a ning

A chanchin sawi hi a bang thei rih dawn lo a ni a. Russell Brand nena an inthen hnuah an chanchin hi chanchinbu hrang hrangah tarlan loh lai a awm mang lo va, Katy Perry pawh hian a ning ve tawh hle a ni.

Kum 27 mi Katy Perry chuan a lar avanga miin a chanchin an ngaihven lutuk chu ninawm a tih thu a sawi a, lar hrim hrim pawh hian a tihrehawm tawh hle niin a sawi.

Katy Perry chuan larna chu an thil tihin a hrin chhuah a ni a. A hnathawh leh eizawmnaah a hlawhtlinna chuan a tilar a ni, a ti. Miin a chanchin an sawi reng reng a, Katy Perry chuan tunhnaia a chanchin an sawi reng reng chu ngaihtuah loh tawp a tum thu a sawi a, a tih tur leh a eizawmna uluk zawka thlar a tum a ni.

Britain young musician zingah Adele a hausa ber

A mawh lo hran lo ve, a album reng hralh a kal cher cher mai. Britain-a musician la naupange zinga hausa ber chu Adele a ni a. A album 21 hralhna ringawt pawh hi dinchhuahpui tham chu a ni tawh hrim hrim. He album hi khawvel pumah copy maktaduai 20 chuang hralh a ni tawh.

Sunday Times-in a tichchhuahh Adele hian \$mtd20 (\$mtd32) vel a nei niin a tarlang a. Nikum aia a hausakna punna hi \$mtd7.2 zet a tling a ni. Kum 30 hnuai lam mi hausa zingah hian Cheryl Cole, Leona Lewis leh Katie Melua an lang. Heng mite pathum hi hausakah pahnihta an ni a, an sum neih hi \$mtd19.2 zet a ni.

Hausa tarlan zingah hian Charlotte Church, Craig David leh Paolo Nutini te pawh an tel a. Heng mite sum neih hi \$mtd16 vel a ni.

Musician ni lo, actor zingah chuan Daniel Radcliffe chu pakhatna a ni a, a sum neih zawng zawng hi \$mtd86.4 a tling a, British mi tho Robert Pattinson chuan \$mtd64 a nei a, Keira Knightley chuan \$mtd48 a nei bawk.

Axl Rose-an Hall of Fame a hnar



A ropui nen, miin an ngaisang a, Rock and Roll Hall of Fame-a lakluh zingah tel an chak em em lain Axl Rose erawh chuan a duh mauh lo thung.

Axl Rose-an a duh loh ber chu Guns and Roses te nena Rock and Roll Hall of Fame-a luh a duh lo va, amah hi a intihrang hle tawh a ni.

Kum 50 rocker hi a band mate te nen hian an intibuai zui hle zel a. Slash-a nen ringawt pawh thubuai kum 15 chhung an nei tawh a, Irinriina Cleveland, Ohio-a lakluh inkhawm an neih turah pawh a tel loh tur thu a sawi.

Zorock-a hla thar shooting an zo



Mizo zaithiam leh hla phuahtu lar Zorock (Rosangliana) hla ruah tham loh, Green Mizoram puala a phuah chu video shooting neih zawh a ni ta a, hun reiloteah Demand Channel lamah hmuh tur a awm thuai ang.

Zorock hla thar hi Green Mizoram Network tan liau liaua a phuah, "Green Green Mizoram" a ni. He hla music video tur hi Mizote hmun hmingthang leh pawimawh Khampat Bungpui hmuna a thawhkhata a tan shooting (thalak) zawh a ni. Zorock chuan "Ka hla phuah zawng zawng chuan a hautak ka ti ber, ka bei rei a, a ziah nan GEL PEN tui ka hmang zo vek a, record turin Myanmar kal a ngai a, Recording Studio ni khat leh zan khat kan hmang a, Video shoot nan Khampat Bungpui pan a ngai bawk...a thra bon top ang" a ti.

D-3 LG Inter Village Volleyball

Tournament khel chhunzawm zel a ni :

D-3 LG Inter Village Volleyball Tournament chu khel chhunzawm zel a ni a, niman khan inkhel panga a awm. Inkhel hmasaberah Muanna Veng in 3-0 in Chawhmun an hneh a, Maubawk in ITI 3-0 in an hneh a, Ramhlun North-in Kawnpui VC II 3-0 bawkin an hneh a, Hunthar pawhin Kanan 3-0 thoin an hneh a, Nursery-in Phunchawng 3-0 in an hneh bawkin.

Vawin hian dar 10:00 a tanging Ramhlun North field (Volleyball court)-ah inkhel chhunzawm leh tur a ni a, inkhel turte chu:

College Veng	Vs	Dinthar
Chanmari West	Vs	Sihphir
Tuikual South	Vs	Armed Veng S
Puilo	Vs	Muanna Veng
Maubawk	Vs	Hlimen

Inter Dist Under 19 Football Semi final lut

a hriat kim ta : Tunah chuan MFA Inter District Under 19 Football Championship-ah semin final lut a hriat kim ta a, niman khan Lawngtai district leh Aizawl district-in semi final lut turin an khingpui an hneh.

Aizawl district hian 3-1 in Saiha district an hneh a, Lalramliana'n minute 12-naah goal thunin hei hi Saiha tan B Beihruakhai chuan minute 65-naah a sut a; nimahsela Aizawl lam hian minute 76-naah Lalrinlua hmangin an thun a, Ramliana'n minute 80-naah khugn zuiin Aizawl hian point thum hlu tak an hmu ta a ni.

Inkhel dangah a thlengtu Lawngtai chuan second half-a Zonunmawia hatrick hmangin Lunglei district chu 3-0 in an hneh. Zonunmawia hian minute 56-naah a thun tan a, minute 64 leh 66-ah a thun zui leh a ni.

Heti hian semi final khel tur a hriat kim ta a, Lawngtai leh Mamit an intum ang a, Aizawl leh Serchhip an inkhel thung ang a, Inrinniah semi final hi khel a ni ang a, Thawtanniah final khel a ni ang.

Kalou-a'n pathumna an nih theih a la ring :

Chelsea player Salomon Kalou chuan tun season tawpaw hian an chunga awm Arsenal aia an san theih a rin thu a sawi a, tuna an dinhmun nen inrem lo viauin lang mahse an tum chuan thil theih a la nih thu a sawi.

Chelsea hi Thawhtan zan khan Fulham nen an inhnetawk a, he inkhel result avang hian Premier League-ah Tottenham leh Tottenham leh Newcastle hnaiaah an awm. Hetichung hian Kalou chuan Tottenham leh Newcastle bakah Arsenal thlenga an lehpel chhoh theih a la ring tat.

Kalou chuan, "Fulham nena kan inkhel result kha chu kan theihngih a tul tawh a, tunah chuan kan khel leh tur lamah ngaihuahna sena pathumna ni tura theitawp chhuah a hun tawh a ni," a ti.

Hetiang dinhmunah hian an din theih ring mahse Chelsea hmabak hi a ko hle a, Pathianni zan khian Tottenham nen Wembley Stadium-ah FA Cup semifinal an khel dawn a, hema zawh hian Stamford Bridge-ah Champions League semifinal first leg khelin European champion Barcelona an mikhal dawn a, hema hnu hian Arsenal khel turin Emirates Stadium-ah an leng lut leh bawkin ang.

Kalou ang bawkin hian an manager lailaw Roberto Di Matteo pawhin a iringtaw hle a, Arsenal leh Newcastle nen an la inkhel dawn avangin heng team pahnihte hi lehpela pathumna an la nih chhoh theih a la ring hle.

Inter Milan-in Balotelli an ngaihven lo :

Italian Serie A club Inter Milan president Massimo Moratti chuan, an striker hlui Manchester City tana khel Mario Balotelli chu lak let tumna an neih loh thu a sawi.

Kar hmasa khan Inter technical director Marco Branca chuan, June thlaa transfer kawngkhar inhawn hunah Balotelli hi lak luh dan an ngaihuah mai theih thu a sawi a, mahse Moratti chuan tun hnaiah Balotelli hi lak kir tumna an neih loh thu a sawi ve thung a ni.

Moratti chuan, "Balotelli maw? Kan ruahmannaah a tel ve lo. Tunah chuan City-ah a awm a, tuna an dinhmun kan hria a, hmana a dinhmun nen a la inang reng. Technical lama thil chuan player tha tak a ni a, mahse lak tumna engmah kan nei lo a, kan ruahmannaah pawh a tel lo," a ti.

Balotelli hi Arsenal nen an inkhel tumin hnawhchhuah a ni a, hei vang hian match thum inkhel thei lo tura hrem a ni a, English Football Association (FA) chuan Alex Song-a laka a chet danah engmah hrema dang a hmachhawn belh loh tur thu an sawi.

Inkhel pathuma hremna a hmachhawn chuan tun thla tawp lamah a hmel kan hmu thei dawn a, hetihlai hian City boss Roberto Mancini chuan chawr a tum tawh loh thu a sawi thung. Balotelli hian 2006 khan Inter Milan a zawm a, heta tang hian 2010 khan euro maktaduai 22 velin City hi a zawm a ni.

Real hmahruaina tinghettu Ronaldo



Nilai zan khan Spanish La Liga-ah hmahruai mektu Real Madrid chuan an khingpui Atletico Madrid chu 4-1 in an sawp a, Thawhle zana an hmahruaina chuhpuitu Barcelona chuan an inthlauhna point khat chiahah an tihnam a, mahse Real Madrid hian Cristiano Ronaldo hatrick vangin point liin hma an hrui leh tawh.

Tun hnaiah Real Madrid-in result duhawm an hmu hleithe lo a, hei vang hian thla hmasa lama point 10 chuanga league-a an hmahruaina pawh a tlahnam nasa hle. Thawhle zana Barca-in Getafe 4-0 a an sawp hnu phei kha chuan point khat chiahah an inthlauh tawh. Mahse Nilai zan khan

Real hi an thenawm club Atletico Madrid khelmualah an leng lut thung a, an lenna hmunah hian an chak chiang hle. First half minute 25-naah Ronaldo chuan freekick atanging mikhal team hmahruaina goal a thun a, first half chhungin goal dang a luh belh tawh lo.

Second half tan hnu lawkah Radamel Falcao chuan Adrian Lopez hnen atanga a ball hmu chhu Real goal-ah a head lut a, he goal hian inkhel boruak a chaw tho thar hle. Mahse minute 68-naah Ronaldo bawkin a rawn lang leh a, Real goal hnihna leh an hmahruaina a thun. Ronaldo hian minute 82-naah penalty atanging a goal thumna a thun a, Jose Mria Callejon chuan minute 85-

naah an goal lina thun ve lehlin Real Madrid an chak chiang hle.

Hatrick siamtu Ronaldo hian tun season-ah league goal 40 a thun tling ta a, hei hi season hmasaa a record siamna goal zat chiah kha a ni a, inelna zawng zawnga a goal thun belhkhawm chu goal 52 a ni tawhtun season-ah hatrick vawi sarih a siam tawh.

He Portuguese superstar hian 2011-12 season-ah hian La Liga match 32 a khelha goal 41 a thun tawh a, inelna

hrang hranga a khel zah chu match 47 a ni a, heta tang hian goal 52 a thun bawkin. Tun hnaiah Spanish club Barcelona superstar Lionel Messi nen record an in break siak a ni deuh ber.

Season hmasa khan Ronaldo hian inelna hrang hranga game 54-ah goal 53 a thun a, hetianga season khat chhunga goal thun hnem hi a an awm fo lo a, mahse tun season-ah season hmasaaa a goal thun zat hi a lehpel nawn leh ngei dawnin a lang. Ronaldo chuan tun

hnaiah Barcelona-in an um nat em avangin Atletico hneha an chak chu an kal zelna atan thil pawimawh tak ni a a hriat thu a sawi a, "Hmabak ko tak chu kan la nei a, mahse La Liga-a champion chu kan hnaih chho zel e. Thawhle zana Barcelona an chak avangin kan koah pressure a awm ve nasa khawp mai a, mahse chak result nen kan hawa point li bawka hma kan hrui fal leh thei hi a lawmawm khawp mai," a ti.

Ronaldo chuan league-a goal 40 chuanga a thun thei chu a lawm thu sawi chhunzawm in, "Goal thum lai ka thuna assist ka nei bawkin kha ka lawm khawp mai. Tuna kan khel ang hian kan chhunzawm zel a tul. He dinhmun hi ka teammate tel lo chuan engti kawng mahin ka thleng thei dawn lo tih ka hrechiang," a ti.

Inkhel zawah Real boss Jose Mourinho-a assistant Aitor Karanka chuan press mite a hmachhawn a, "Ronaldo khan a bikin a khel tha khawp mai a, mahse team pum pui inpekna leh an beihna kha hmu hmai theih a ni lo. Atletico-in an siphurh sutna goal an thun phei kha chuan mipui au thawn nen theitawp chhuah tak meuh meuh a tul a, khatichunga hetianga result kan hlavh chhuak leh thei hi team chunga mi zawng zawng inpek vang liau liau a ni," a ti.

Pos	Team	Pld	W	D	L	F	A	Diff	Pts
1	Real Madrid	32	26	4	2	104	28	76	82
2	Barcelona	32	24	6	2	94	23	71	78
3	Valencia	32	14	10	8	50	38	12	52
4	Malaga	31	15	5	11	47	43	4	50
5	Levante	32	14	6	12	46	44	2	48

Hremna khin tum Ivanovic

Chelsea defender Branislav Ivanovic chuan, Wigan Athletic nena an inkhel thuma a chet dan avanga FA-in an hremna chu a khin let tur thu a puang.

Kum 28-a upa Ivanovic hian Wigan 2-1 a an hneha goal Juan Mata'n a tih luh dawn chiah khat Wigan player Shaun Maloney chu kut a lo thlak a, hei hi referee-te'n hmu lo mahse TV replay-ah a lang

chiang hle a, FA-in a chunga hremna lek kawhin match thum inkhel thei lo turin an hrem.

Mahse Ivanovic chuan he a hremna hi khin let ngei a tum thu a sawi a, khing let loa a tuar tlang a nih chuan FA Cup semifinal-ah Tottenham a hmachhawn thei lo ang a, Premier League-ah Arsenal leh QPR a hmachhawn thei lo bawkin ang.

German-ah champ tur a chiang?



Nilai zan khan tun season German Bundesliga final tluka game pawimawh Bayern Munich leh Borussia Dortmund-te'n an khel a, Dortmund hian Bayern chu 1-0 a hnehin champion turin dinhmun duhawm takah an ding tawh. He inkhelah hian Bayern star Arjen Robben chuan penalty a missed a, clear chance-a ngaih a thelh chiang hle bawkin.

He inkhelah hian Bayern hi chak se chu Bundesliga table chunga team pahnihte hian point 66 ve ve an hmu dawn tihna a ni a, mahse minute 77-naa Robert Lewandowski-a goal thun chu team pahnihte danglamna a ni ta. Lewandowski goal thun hnuah hian

Bayern-in minute 85-naah penalty an hmu a, mahse Robben chuan he penalty hi a chhaw tangkai zo lo.

Hemi hnu hian injury time-ah Dortmund defender Neven Subotic chuan Bayern goal ban a tih per. Robben pawhin an siphurh sutna hun tha a hmu leh a, mahse goal bul mai atanging goal chunga a thlawh chhuak luah.

Tun season-ah Bundesliga game li chiah khel tur a awm tawh a, heti hian Dortmund-in point 69 hmuin hma an hrui mek a, an hun tha hmu bawh belh Bayern-in point 63 an hmu thung. Dortmund hi champion chiang tawh anga sawi ngawt theih la ni lo mahse champion tluk an ni tawh.

Pos	Team	Pld	W	D	L	F	A	Diff	Pts
1	B. Dortmund	30	21	6	3	67	22	45	69
2	Bayern Munich	30	20	3	7	69	20	49	63
3	Schalke	30	18	3	9	65	39	26	57
4	B.M'gladbach	30	15	8	7	43	22	21	53

Serchhip Shooting Gallery hawn a ni ta

Thawhlehi khan Serchhip District-a Indoor Shooting Gallery hmasa ber chu hawn a ni ta.

He Shooting Gallery hi New Serchhip (Pioneer Camp hlui)-a dah a ni a, 4 (four) lane 10 meters Indoor Shooting Gallery

a ni. He Indoor Shooting Gallery hi manual target pulley hmangin International Standard anga din a ni a, Serchhip District Rifle Association-in an mahni thawh chhuah liau liau an din a nih avangin an fakawm hle.

Mizoram Rifle Association (MRA) chuan Shooting Coach pahnihte a dah ngal a, Air Rifle leh Air Pistol silai kah dan school naupang za rual hnenah coaching thla khat awt tur an pe t an ngal a ni.



Juventus tan Del Piero a la tar mawlh lo

Nilai zana Italian Serie A khelha Juventus chuan an khingpui Lazio chuan a striker senior Alessandro Del Piero goal thun hmangin 2-1 in an hneh a, he inkhel result avang hian league hmahruaitu lailawka lo tang AC Milan an lehpela hma an hrui leh ta.

Thawhle zana AC Milan chuan Chievo 1-0 in an hneh a, Juventus aia khel khata khel hmemin point nihnin hma an hrui. He inkhel result avang hian Nilai zana inkhel tur Juventus chunga pressure a sang a, chak ngei an mamawh.

Inkhel tan atanging Juventus-in game an thunun zawk a, Lazio-in mumal taka Juventus goal nawr an nei hleithe lo. First half chhungin Simone Pepe chuan Juventus hmahruaina goal a thun a, mahse halftime hmain Lazio-in he inkhela awmze neia an goal nawr hmasa ber tih turah Stefano Mauri hmangin an siphurh an sut a, halftime-ah 1-1 in an inhnetawk.

Second half-ah pawh Juventus an chungnung zawk a, inkhel pawh an thunun

hneh hle. Hetichung hian Lazio goalkeeper Federico Marchetti-a'n a khel tha a, goal ngei tura ngaih vavi tam tak a dang. An inhnetawk mai dawna a lan hnuah Juventus-in goal an mamawh changa vavi tam tak goal lo thun sak tawh tu Del Piero chuan minute 82-naah mawi zet maiin freekick atanging goal a thun a, table chung berah a team a hlangkai.

Juve coach Antonio Conte chuan, "A tawp thlengin kan bei a, kha kha kan chakna bul pui pawh a ni. Milan nen hian league a tawp hma chuan kan inum chho zelin ka ring. Tunah hian kan team boruak leh kan dinhmun pawh a tha khawp mai a, kan inkhel leh turah ngaihuahna zawng zawng kan dah.

"Zanin ang deuh khan tun season-ah inkhel thunun tak siin goal thun hleithe lo t um kan nei tat thin a, Genoa, Chievo leh Cagliari kan khel thumte khat hneh tak siin goal kan thun hleithe lo. Mahse zanina kan inkhelah chuan hun tawp dawn hnaiah chakna goal kan thun hram a, khatiang goal kha a tangkai takzet a ni," a ti.

Pos	Team	Pld	W	D	L	F	A	Diff	Pts
1	Juventus	32	18	14	0	53	18	35	68
2	Milan	32	20	7	5	62	26	36	67
3	Lazio	32	16	6	10	48	40	8	54
4	Udinese	32	14	9	9	44	32	12	51
5	Roma	32	15	5	12	52	42	10	50

Premier League champion tum inûm a hmuhdawm thar United an chak lo, City an chak

Vawi riat an chak zawn hnuah Manchester United-in Premier League-ah point riatin hma an hruai. An inkhelh apianga an la hneh ziah Wigan Athletic khelmual DW Stadium an pan dawn a, an champion-na kawng an zawh zel niin a lang - an champion-na kawng a min em ni?

Nilai zanaah Wigan-in United 1-0 in an barakhaih a, Premier League-a United laka point an hmuh (point thum chu sawi loh) vawi khatna a ni a, December atanga a hniam pathum zinga awm reng team kha an tál chhuak ta - Manchester City an lo chak baw si a, United leh City inkar point nga chiah a ni ta a, City khelmualah United hi an zin a la tül dawn!

Premier League tawp lamah hian 'champion tum team' aini 'lak hlau team' hi an hlawhawm thin zawk niin an sawi a, chu chu United-in a takin an tawng. City erawh tlak pawh hlau lo, Champions League beisei phak si lo West Bromwich Albion an mikhuah a, 4-0 in an sawp a. Premier League champion tum inûm a hmuhdawm thar ta.

United an chak lo

United hian 100% point an hmuhna Wigan khelmual an pan a, point khat pawh an hawn lo - minute 50-naa Shaun Maloney goal hmangin Wigan an chak.

He inkhelah hian United hi an khel tha lo tih an manager Sir Alex Ferguson-a hmel en rinawt pawhin a hriat theih a, he team hi tun hnaia a zawna vawi riat chak tawh an ni tih rin harsa khawpin an khel tha lo.

He United team hi tun hnaia inkhel 18-a goal thun ziah an ni a, an khingpui Wigan goal-a an thun lo hi a mak hle. Hei mai hi a ni lo, January 4-a Newcastle an hneh loh hnu khan United hian hneh loh an la tawng lo a, team tha tak tak pawh an hneh zel a, Wigan ber kher an hneh lo - he Wigan team hi Premier League-ah United nen vawi 14 intum tawhin a hma zawngin an chak lo fai vek!

United boss a thinur a, a player khel tha lote a thur chhuak hmak hmak a, chung zingah chuan an star player Wayne Rooney pawh a tel a, Rooney hi a pu hian mipui hmuh theihin tum thum vel a hau nghe nghe. Hei mai hi a ni lo, tun hnaia khel tha Ashley Young pawh lak chhuah zingah a tel a, Rio Ferdinand pawh a khel chhe langsar zinga mi a ni.

United-in ball an chang tam zawk ngei a, goal hlawhawm erawh an nei hleitheih lo a, hun tawp dawna Wigan player Maynor Figueroa-a handball referee-in penalty a pek loh erawh sawi tur an nei - Wigan lam pawhin first half-a Victor Moses-a tauh goal referee-in a pawmsak loh an ui ve viau ang.

Inkhel thlir ang le

United player an chhe thar thut a ni lo a; nimahsela veteran Paul Scholes an chawltir a, midfield-ah ball thiam an mamawhzia a lang leh ta a, ball tha an hmuh loh vangin United goal bawh a na thei thar lo.

He Wigan team hi Chelsea nena referee tihsual vanga chak lo kha an ni a, tunah United an hneh thei a, tun hnaia an khel tha tih a chiang e -



season thara Premier League team nih an la tum ruh hle.

Sir Alex chuan, "Wigan hi an khel tha zawk tih ka pawm. He team hi Chelsea lakah khan an khel tha em em a, Liverpool kha an hneh em em baw a, chuvangin kan inkhelh hma pawhin team tha an nih thu hi ka sawi tawh a, tun tumah pawh kha kan chhai thei ngang lo a ni," a ti ve thlawt.

Champion tura an inûm danah erawh United boss hi a lawm a, "Tun hnaia kan khel tha tluang a, champion thei dinhmuh kan ding hial tawh a ni. Hman ni deuhah kha chuan keini aini point-ah leh goal difference-ah pawh an sang zawk a, kan lehpel thei hi a lawmawm ka ti. Tunah chuan kan khelmualah kan inkhelh turahte hian kan chak a pawimawh tawh dawn a ni," a ti.

United boss hian referee sawiselin, "Kan referee Phil Dowd-an inkhel a thunun tha lo a, hei hi kan khel chhiat hlah khuh ka tumna a ni lo... Figueroa kha a handball ngei a, referee kha yard 15 vela hlaah a awm daih a ni... an goal thunna kha corner tur a ni lo a, kan goal kick tur zawk a ni a, a pawi khawp mai. Chutihlain referee-te hi tisuah thei an ni a, a changin kan vanneihpui a, a changin kan vanduai phah... Pathianni khan kan vannei a, referee-in club lian an tan an ti sup sup a, a nih lohzia kan hmu," a ti.

United hian Old Trafford-ah Aston Villa, Everton leh Swansea an la tum dawn a, khual-mualah Man City leh Sunderland an la khel dawn baw. Sir Alex chuan, "Tuna Wigan nen kan inkhel anga inkhel hautka hi a la ni vek dawn a, tunah hian kan hna kan la zo lo," a ti.

City an inring lo?

United an chak lo a, 4-0 in Man City an chak a, City manager Roberto Mancini chuan, "United hi derby-ah hneh mah ila point an hloh ka ring tawh lo. United boruak hi a tha em em a, anni anga team boruak tha hi kan nei ve lo," a ti daih mai!

City boss hian United hi an chak zel a ring tak tak nge, pressure nei tawh miah loa United um vak a tum vangin fng takin United hi a fak zawk? City boss hian an inkhelh zanaah hian United hi an inkhel ve tih pawh a hriat loh thute thlengin a sawi a, thil ni thei a ni dawn em ni?

City hian West Brom an mikhuah a, Sergio Aguero chuan goal hnih a

thun a, a hnampui Carlos Tevez pawhin goal thunin nikum May hnuah Premier League-a a thun hmasak ber a ni a, inhlam dam kawr David Silva chuan mawi zetin a chip goal baw.

City hi kawng engkimah an chungnung zawk a, Etihad Stadium-ah hian inkhel tan atang a tawp thlengin chak zawk tur a chiang. West Brom manager Roy Hodgson-a thusawi hian inkhel hi a khaikhawm chiang ber mai a, "Goal li-a chak loh hi a tam hle mai a, hetiang hian kan chak lo zen zen lo a; nimahsela team tha zawk kan hneh ngang lo a ni," tiin.

City tana chanchin lawm-awm chu nikum September

hnuah Tevez-a starting eleven-ah a lo kir leh ta a, goal a thun a, Silva pawh a dam tawh baw.

City boss thu a inkalh

Nilai zana an inkhelh hma lawkin Mancini hian, "Eng pawh a la thleng thei... Chelsea dinhmuh hi en ila, a hman an hniam fäl em em a, tunah chuan an sang chak hle a ni," a ti.

Nilai zana an chak tē tē a, "Champion tuma kan inûm hi chu a tawp tawh. Point ngain United an la sang zawk a, hei hi chu a tam tawh lutuk," a ti leh lawi si.

Hetianga a ti kual vel hi, "Rilru game khel hi tum mai mai a ni lo maw?" tiin an zawt a, "Tuna kan thlen chinah

pawh hian kan lawm a, kum 50 chhunga kan chet that ber a ni tawh a, ka player-te ka chhuang takzet a ni. Season hi hlimawm taka hman tawp kan tum dawn a ni," a ti teh daih.

City boss hian United hi an la mikhuah dawn tih a hria a, United hi an la che suah thei tih pawh a hria a; nimahsela United chu che suah thei tawh lo leh umphak theih tawh loh angah ngai. Hetihlai hian a team-te chu an khel that thu leh Tevez leh Silva-te an lo kir avanga an phur thute a sawi - United theihngihla theitawp chhuah United um a tum vangin United hi a sawi lang duh tawh lo a nih an ring tho!

Media lamin an awih loh ber chu Nilai zanaah United an inkhel ve tih a hre lo hi a ni a, Mancini chuan, "Inkhelh banah khan United an inkhel ve tih ka hre chauh a, mipui an au khan United chak loh vangin an au tih ka hre ve chauh a, naktuka (Ninga zan) inkhel turah ka ngai," a ti Mi zawng zawngin United leh City inkhelh hun hi an ngaichang tawh a, City manager berin an chungna team awm chhun United inkhelh hun a hre lo hian mak tih a hlawh hle.

Engpawhnise Premier League inûm hi Mancini hian a tawp tawh angin sawi mah se, a la tawp lo - amah Mancini ngei pawh hi zawt chiang leh rawh u!

ENGLISH PREMIER LEAGUE

Pos	Team	Pld	W	D	L	F	A	Diff	Pts
1	Man Utd	33	25	4	4	78	28	50	79
2	Man City	33	23	5	5	79	26	53	74
3	Arsenal	33	20	4	9	66	41	25	64
4	Tottenham	33	17	8	8	57	38	19	59
5	Newcastle	33	17	8	8	50	42	8	59
6	Chelsea	33	16	9	8	56	38	18	57
7	Everton	33	13	8	12	38	34	4	47
8	Liverpool	33	12	10	11	40	36	4	46
9	Fulham	33	11	10	12	43	43	0	43
10	Norwich	33	11	10	12	46	52	-6	43
11	Sunderland	33	11	9	13	42	41	1	42
12	Stoke	33	11	9	13	32	45	-13	42
13	WBA	33	11	6	16	39	47	-8	39
14	Swansea	33	10	9	14	35	44	-9	39
15	Aston Villa	32	7	14	11	35	44	-9	35
16	QPR	33	8	7	18	38	56	-18	31
17	Wigan	33	7	10	16	31	57	-26	31
18	Bolton	32	9	2	21	36	65	-29	29
19	Blackburn	33	7	7	19	45	70	-25	28
20	Wolves	33	5	7	21	34	73	-39	22

Arsenal an tluang

Arsenal-in Champions League an hnaiz zel a, Wolverhampton Wanderers-in Premiership atanga tlak an hnaiz ve thung - Arsenal hian Nilai zan khan 3-0 in Wolves an hneh.



He inkhel hi minute 9-naah chak tur a chiang - Theo Walcott-a titluta Sebastien Bassong-a'n penalty a chawia, Bassong hi an hnawtchhuak a, Robin van Persie-a'n a pet goal a, thil awm dan tur chu a chiang vek mai.

He mi hnu hian Theo Walcott chuan minute 11-naah goal a thun zui leh a, Yossi Benayoun-a'n minute 69-naah a khung baw a, Arsenal-in point thum an hmuh belh.

Van Persie hian tun season-ah an khingpui team 19 zinga 17 lakah goal a thun vek a, kum 15

kal taa Arsenal mi ropui Ian Wright-a record a tluk ta chiah mai a; Manchester City leh Fulham goal-ah chiah tun season chhungin a khung lo!

Wenger chuan, "Ian Wright-a record ropui tak a tluk hi a mak ka ti a, tunlai game-ah chuan thil thleng thei lo tluka ngaih a ni tawh a, ka lawmpui takzet a ni. Kan khingpui hi team 19 an ni a, team 17 lama a thun

Test ride the New Mahindra Duro DZ.

"If you still buy any other scooter, we will pay you Rs. 500."

CHALLENGE VALID FROM 1st APRIL TO 30th APRIL 2012.

For a Test Ride, contact our nearest dealer.
Call Toll-Free No. 1800-233-8883

SMS DURODZ TO 54646. VISIT WWW.MAHINDRADURODZ.COM

● Low down payment of Rs. 9999**
● Attractive exchange facility**

Features	Duro DZ	Honda Activa ¹¹	The Duro DZ Advantage
Engine	124.6 cc	109 cc	Powerful petrol engine ensures great pick up. New DCBI system ensures great mileage.
Advanced Telescopic Suspension	✓	✗	Smooth ride over potholes and rough roads.
Wheelbase (in mm)	1270	1238	Longer wheelbase for greater stability.
Ground Clearance (in mm)	155	145	Clear speed breakers and bumps with ease.
Storage Space (in ltrs)	20	18	Carry anything you need.
Front Inner Box	✓	Optional	Free additional locked storage.
Accessories	Free	Paid	Standard accessories- number plate, floor mat, foot rest & side stand come free.
Ex-showroom Price	Rs. 45,622*	Rs. 49,413	Best value.

WHY BUY A MAHINDRA?

• A \$14 BILLION GROUP • 45 YEARS EXPERIENCE IN MAKING VEHICLES FOR INDIAN ROADS & CONDITIONS
• MAKERS OF SCORPIO, XUV 500, BOLERO & XYLE
• OUR 2 WHEELER PRESENCE: 365 CITIES • 410 SALES POINTS • 635 SERVICE LOCATIONS • 3.50.000 HAPPY CUSTOMERS

DIMAPUR: RELIANCE MOTORS, D. C. COURT JUNCTION, PH: 03862-248207, 09856277401.